



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 18. Mandata Cardinalibus Friburgum ad Papam ituris data.

[urn:nbn:de:hbz:466:1-66272](https://nbn-resolving.org/urn:nbn:de:hbz:466:1-66272)

ro hujus opinionis falsitatem demonstra-
ret, tradit, quod Ecclesia universalis,
proin Concilium eam repræsentans, a
*Christo Domino, & non a Papa Privile-
gium auctoritatis habeat, quod in fide errare
non possit; sed talem, subjungit, auctori-
tatem non habet Papa, cum errare possit.*

§. XVIII.

*Mandata Cardinalibus Friburgum ad
Papam ituris data.*

Die decima nona Aprilis Cardinales, ac
Nationum Deputati a Synodo ad Pa-
pam Friburgum abire jussi, non modo
verbis, sed tota consilii serie instruebantur.
Præter generale mandatum, quo
ad mentem Synodi intra certum tem-
poris spatium cessionis tabulas exigere
jubebantur, insuper injunctum est, ne ab
invicem separati unquam cum Pontifice
agerent, nec de aliis negotiis directe vel
indirecte cum eo tractarent, denique duo-
decimo abhinc die ad Synodum rever-
terentur. Hi sine dubio potestatis de-
mandatæ limites transgrediebantur, eo-
quod libellum, quem ipsis Antiochenus
Patriarcha dederat, Pontifici tradendum in
se suscepissent; Huic autem Scripturæ al-
tesatus Præsul binas inferebat proposi-
tiones, quarum prima erat: Pontifex est
Synodo auctoritate superior. Altera,
B 2 Decreta

Sæcul. XV.
A. C. 1415.

Sæcul. XV.
A. C. 1415.

Dist. 19. c. 7.

Decreta nomine Papæ, non autem nomine Concilii edantur, argumento, ut in-
quiebat, petito ex hac Juris Canonici Re-
gula : *Papa judicat omnes, nec ab ejus
sententia appellare licet; ipse autem a nemi-
ne, nisi a solo Deo judicatur.* Verum
Antistes ille scite animadvertere debuis-
set, quod in hoc loco nequaquam de au-
ctoritate Pontificis ad Concilium, nec
Concilii ad Papam collata agatur, sed de
submissione, quam singuli Episcopi par-
ticulares erga Summi Pontificis senten-
tias in privatis eorum causis inter se con-
troversis latas exhibere tenentur. Ad
quod comprobandum legisse sufficiat D.
Leonis epistolam, quæ juxta antiquam e-
ditionem octogesima nona est. Cete-
rum Cardinalis Cameracensis hoc scri-
ptum responso confutare haud cunctaba-
tur, ejusque opinionem Synodus non modo
adoptavit, sed ipse etiam Patriarcha post-
modum se purgare jussus, hæc non deci-
dendi, sed mere proponendi gratia scri-
psisse se, affirmavit.

§. XIX.

*Deputatorum discessus. Brisaci Papam
adeunt.*

*Bourgeois
Preuves
p. 342. 343.
66.*

Deputati a Concilio ad Papam missi,
cum eundem jam Friburgo discessis-
se intelligerent, Brisacum petunt, eo enim
a Bur-